

Triste está el Rey

Triste está el Rey David
trist'está del corason
por desechar las sus ansias
subiose al mirador.

Echo los ojos a leshos
onde espantava el sol
vido a venir un pashaiko
demandando el emperador.

Adio Kerida

Adio, Adio Kerida,
no kero la vida,
me l'amargastes tu.

Tu madre quando te pariò
i te quitò el mundo
corason ella no te diò
para amar segundo,
corason ella no te diò
para amar segundo.

Va buscate otro amor,
adarva otras puertas
aspera otro ardor
que para mi sos muerta,
aspera otro ardor,
que para mi sos muerta.